

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Broj: T04 0 KT 0060483 25
Zenica, 15.01.2026. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

OPTUŽNICU

Protiv:

K. E., ..., neosuđivan,

što je:

dana 22.09.2024. godine, oko 18,00 sati, u Zenici, upravljajući putničkim vozilom marke „...“ registarskih oznaka ..., krećući se ulicom ... iz pravca Zenice prema mjestu Dolača, vozio nedovoljno pažljivo jer po dolasku do ulaza u krug skladišta privrednog društva „...“ kod broja ..., brzinu svog vozila nije prilagodio dolasku pješaka Š. S. koji se u alkoholisanom stanju sa desne strane spremao da pređe kolovoz, svjestan da na taj način može ugroziti javni promet i dovesti u opasnost njegov život, ali je olako držao da se to neće desiti, pa postupajući suprotno odredbama člana 43 stav 1. Zakona o osnovama bezbjednosti saobraćaja na putevima BiH, umjesto da uspori kretanje svog vozila i da se kreće bezbjednom brzinom od 32,19 km/h, vozio brzinom od 44,92 km/h, pri kojoj nije mogao bezbjedno zaustaviti svoje vozilo ispred navedenog pješaka u momentu kada je ovaj otpočeo prelaziti sa desne na lijevu stranu, uslijed kojeg propusta je na desnoj saobraćajnoj traci prednjim dijelom vozila udario u istoga, ugrozivši na taj način sigurnost javnog prometa, a od kojeg udara je pješak Š. S. zadobio teške tjelesne povrede od kojih je isti dan oko 20,10 sati preminuo na Urgentnom bloku KB Zenica,

dakle, kao učesnik u saobraćaju na putevima, ne pridržavajući se saobraćajnih propisa ugrozio javni saobraćaj i time kod drugoga prouzrokovao smrt,

čime je počinio krivično djelo teška krivična djela protiv sigurnosti javnog prometa iz člana 336. stav 4. u vezi člana 332. stav 3. u vezi sa stavom 1. KZ F BiH.